

**SINLAI - 8**  
**SAPTUAM DIK BULSUINA - (II)**  
**(SAPTUAM DIK NASEP)**

**Thumapi:** Laisiangthou apan in Saptuam dik tuh bangchibang hi hiam chih i suite ua, i theihshiam ngei leng a gintak-huai hi. Mi tamtakte'n Saptuam kichi i ut-ut phuah theih, khatpeuh-peuh kichi le'ng leng dik vek bang a a ngaih ziak un suithukna himhim a nei ngei kei ua, adik chih om thei tuan di'n leng a ngaihtuah kei uh. Pawl kichi khempeuh kithuhilhna (doctrine) tuam khat nei chiat ahimmanin, Laisiangthou kithuhilhna zangte tuh pawl dik, Khris pawl ahi lou thei kei. Khris thu mah a vaihawmsak a om ding i hih ziak in (Johan 12:48). Huaiziakin Saptuam dik tuh amin mai kia hilou in a nasep leh a biak dan leng adik ngeingei a poimoh hi.

**SAPTUAM NASEP 3 IN A KHEN THEIH HI**

**I. TANCHINHOIH PUANZAK:**

1. Jesu'n "Lei lah van a thuneihna tengteng ka kiang a piak ahita. Huaiziakin, kuan unla, nam chih a mi nungzui ding in bawl unla, Pa leh Tapa leh Khasiangthou min in baptis unla, thu ko'n piak tengteng pom ding in thu hilh un" (Matthai 28: 18-20); "Khovet teng ah pai unla, thilsiam teng kiang ah tanchinhoih hilh un. A gingta a baptisma tang tuh hotdam in a om ding" (Marka 16: 15-16) achi.

2. Saptuam tuh Pathian pilna chi teng puangzak ding a thutak ban (khuam) leh kingakna ahi (I Tim. 3:15; Ephesa 3:9-11). "Huan, huai ni in Jerusalem khua a Saptuam omte khawng mi'n nakpitak in a sawi panta ua;... Huan, a dalhzakte khoteng ah a pai ua, thu tuh a gen zel uh" (Nasepte 8:1-4).

**Theih ding:** Saptuam dik nasep tuh: thilsiam teng kiang a Tanchinhoih gen a, a thugen uh gingtate Pa leh Tapa leh Khasiangthou min a baptis ding ahi. Jesu'n a thugentu atuam, baptisma tangsaktu ding atuam a chi kei. Nungzuite a sawlkhiaik lai in, a gingtate Pa leh Tapa leh Khasiangthou min in baptis un achi zaw hi (Matthai 28:19). Anania pastor ahi kei a, evangelist nasep a nei leng ahi sam kei; khristian khat ahi zaw hi (Nasepte 9:10). Himahleh, Paul baptisma a tangsak (Nasepte 9:18). Huan Philip pastor ahi kei a, evangelist ahi (Nasepte 21:8). Himahleh, mi-chilgehpa baptisma a tangsak (Nasepte 8:38).

Huan, Laisiangthou in khristian tengteng "kumpi siampu" achi (I Peter 2:5,9). Huaiziakin, a gingtate baptisma tangsak thei lou khristian tuh khristian taklou, alem chihna ahi. Huchi bangte adi'n Tanchinhoih gen leng a siang kei. Tanchinhoih puang zak theite tuh baptisma tangsak theite ahizhiakin.

Paul in I Kor. 1:17 ah "Khris in baptis ding in a hon sawl kei a, tanchinhoih gen ding in a hon sawl zaw hi" achi hilou hiam na chi ahi kha ding. Nasepte 18:8; I Kor. 1:14 ah Korinthte baptisma tan na i mu. Huai nung in amau baptisma tangsaktute min chiat sial a kikhenna a om dek ziak in Paul in a tai-ek hi (I Kor. 1:10-14). Paul in amah min a kuamah baptis lou napi in a khut a mi baptisma tangsak tou zel hileh "amah (Paul) min in mi a baptis" chih tanpha ngoh ding hile uh a kilawm (I Kor. 1:12-15).

Hiai khawng teng ziak in "khros thilhihtheihna bangmahlou a suahsak khak ding uh" a lau mahmah (I Kor. 1:17). Huaiziakin, "Jesu'n Johan sang in mi tam a baptis zaw a; himahleh Jesu hial in zaw a baptis kei, a nungzuite'n a baptis zaw zel uh" (Johan 4:1-2) achih bang deuh

in, Paul in leng buaina om nung Korinth khua a mite amah khut mahmah in a baptis kei (I Kor. 1:17). Himahleh, Paul in baptisma a pai tuan zenzen kei. Aziak tuh Baptisma leng Tanchinhoih ahi (Matthai 28:18-20; Marka 16:15-16; I Kor. 15:1-4; Rome 6:3-5).

Huan, Paul in Tanchinhoih gen a tawpsan tuan kei hi. Hiai Paul mah ahi Tanchinhoih tuh “Jesu sihna, vui a omna leh a thohnawna ahi” chipa (I Kor. 15:1-4) leh “Tanchinhoih dang gen a om leh hamse loh in om hen” chi pa (Gal. 1:8). Hiai Paul mah ahi “Jesu sihna, vui a omna leh a thohnawna kikoppihna tuh baptisma ahi” (Rome 6:3-5; Kol. 2:12) leh “Baptisma in Khريس in hon kithuamsak” chi pa (Gal. 3:27). Hiai Paul mah ahi “khelhna silsiangna” dia baptisma tangpa (Nasepte 9:18; 22:16).

Huaiziakin, Paul in “Khريس in baptis ding in hon sawl kei a, Tanchinhoih gen ding in a hon sawl zaw hi” achih in, ‘baptisma a poimoh kei, ahieh-keileh a tangsaktu ding atuam om ahi’ chi ahi zenzen kei chih i theita hi. Paul in “Krispa leh Gaia loungal na lak uah kuamah k’on baptis kei” a chih in Korinth saptuamte lak ah a chihna ahi a, midang kuamah ka baptis het kei a chihna ahi kei. Lidia leh a sungkuante (Nasepte 16:13-15), Taan-inn vengpa leh a sungkuante (Nasepte 16:31-33) leh Ephesate (Nasepte 19:1-5) leng a baptis tham hi.

## **II. SAPTUAM KIHIIHATTUAH:**

1. Hebrute gelhtu’n “Niteng a kihihhattuah” a poimoh dan a gen (Heb. 3:13). “Khenkhat hih dan bang a na kikhopnate uh tawpsan lou in kihasantuah zaw ni; ni tuh hong nai hulhul a na theih un kihasantuah sem sem un” (Heb. 10:25). Paul leh Barnabas in Antiok khua a saptuamte kiang ah “Gim tampi thuak in Pathian gam ah i lut ding ahi him ahi chi in nungzuite lungsim a hihkip ua, ginna a om gige ding in a hasuan zel uh” (Nasepte 14:22).

2. Paul missionary khualzin nihveina tuh khoteng a unau omte va veh a, khalam nawitui a vak a, ginna a saptuamte va suk hat zel ding tuh a thiltup ahieh dan i mu hi (Nasepte 15:3,36; 16:5). Paul in a nasep khempeuh khristiante bawlhohina ding ahieh dan a gen (2 Kor 12:19).

## **III. MI GENTHEITE PANPIH:**

1. Jakob in, “I Pathian leh Pa mitmuh a sabiak siangthou leh gilou pang lou zaw hiai ahi; tagah meithaite gimthuak lai a veh leh, khovel buahna baang lou a kibawl zel” achi hi (Jakob 1:27). Pual in, “Lemtanhun i neih dan bang zel in mi tengteng tung ah thilhoih hih ni; ginna a inkuanpihte lak a omte tung ah hikhoh diak hen” achi (Gal. 6:10). Huaiziakin gentheite panpih tuh Saptuam nasep ding ahi.

2. Paul tuh Jerusalem ah gentheite panpih ding in a hoh chih i thei hi. Huchih lai in Masidonia leh Akaia gam ate’n lungdamtak in Jerusalem khua a misiangthoute lak a gentheite adi’n sum a tuak/thoh chiat uh chih i mu nawn hi (Rome 15:26).

3. Hiai gentheite panpihna sum tuh “nang huai zah thoh inla, ke’n hiai zah thoh ni’ng” chi a kibituk thoh ahi kei a, gentheite panpihna chi a atuam mawngmawng a don leng ahi sam kei. Saptuam mi malmal in vualzawlina a muh bang zel ua a phal dandan, Pathian kiang a kipahtu genna a, ni sagih nimasapen a a thohkhawmte uh kizang ahieh dan i mu hi (II Kor 9:6-7; I Kor 16:1-2; II Kor 9:12). Tampi ngah ut man a kibituk thoh tuh huaihamna, milem biakna ahi (Kol 3:5).

Khenkhatte sawm-a-khat pe ding in a kiphtluh uh; sawm-a-khat pe lou Upa a pang theilou ding achi uh. I Laisiangthou in Upa hi thei dingte chinna a genna ah sawm-a-khat a tel kei (I Tim 3:1-7; Tita 1:5-9). Thukhun Lui a Israelte'n a neih tengteng lak ua sawm-a-khat a piakte uh siampute vakna dia a piak uh ahi (Num 18:21; Heb. 7:5). Piaklough-theihlough ahi (Lev 27:30-34). I Toupa Jesu sih ma a Mosi Dan kizang lai ahimanin sawm-a-khat a pe lai uh (Matthai 23:33). Himahleh, Jesu khros a a sih nung in siampu hihna a hong kikhengta (Heb 7:12).

Huaiziakin, Thukhun Thak hun a thilpiak piak ding dan tuh: it pipi a piaklough ding, piaklough-theihlough a ngaihlough ding, lungsim a tup bang zel a kipaktak a piak ding chih ahi (2 Kor 9:6-8; I Kor 16:1-2). Piaklough-theihlough a ngai a, mission nasemte a' khawng khaksak chih tuh Pathian deihdan ahi kei (Kol 3:5).

Huaiziakin, Saptuam dik nasep tuh atangpi a gen in: Tanchinhoih puanzak a Jesu nungzui ding bawl, Saptuam kihihhattuah leh mi gentheite panpih ahi. Sum don leh school hon tuh Saptuam nasep leh a thiltup masapen ding ahi kei.

---

## SINLAI 8-NA ETKHIAKNA

1. Saptuam dik nasep chi bangzah in a khen theih a?  
\_\_\_\_\_  
\_\_\_\_\_
2. Matthai 28:18-20 ah Jesu'n a nungzuite bang hih di'n a sawl a? Point 2 gen in.
  - i) \_\_\_\_\_
  - ii) \_\_\_\_\_
3. Marka 16:16 dungzui in Jesu'n a nungzuite kiang ah amah gingtate'n bang hih ding a chi a?  
\_\_\_\_\_  
\_\_\_\_\_
4. I Tim. 3:15 dungzui in Pathian hing Saptuam bang ahi uh achi a?  
\_\_\_\_\_  
\_\_\_\_\_
5. Anania pastor hilou, evangelist leng hilou, khristian maimai khat in kua ahia a baptis?  
\_\_\_\_\_  
\_\_\_\_\_
6. Evangelist Philip in baptisma a tansakpa min bang ahia?  
\_\_\_\_\_
7. Tanchinhoih lah gengen napi a 'baptisma ka tangsak thei kei' chi, khristian kichite bangchibang khristian ahi ding uh?  
\_\_\_\_\_  
\_\_\_\_\_
8. I Peter 2:9 in khristiante bang na hi uh achi a?  
\_\_\_\_\_  
\_\_\_\_\_
9. Nasepte 9:18; 22:16 a khelhna silsiangna dia baptisma tangpa kua a hia?  
\_\_\_\_\_  
\_\_\_\_\_
10. Korinth saptuamte kikhenzak hile uh Khris in khros a nam tengteng pumkhat hi dia hong tatna bang a suak ding Paul in achi a? (I Kor. 1:17).  
\_\_\_\_\_  
\_\_\_\_\_
11. Saptuam kihihhattuah a poimoh dan genna Laisiangthou tang 2 gelh in.

i) \_\_\_\_\_

ii) \_\_\_\_\_

**12.** Paul, Jerusalem gentheite' panpih dia a hoh lai a gen-theite panpihna dia sum tuak/thoh koi gam mi ahi ua?

\_\_\_\_\_  
\_\_\_\_\_

**13.** I Pathian leh Pa mitmuh a sabiak siangthou leh gilou pang lou bang ahia?

\_\_\_\_\_  
\_\_\_\_\_

**14.** Paul in, 'Mi tengteng tung a thilhoih hih ding, ginna a inkuanpihte tung a hih kholdiak ding' a chihna Laisiangthou tang gelh in.

\_\_\_\_\_

**15.** Hiai gentheite panpihna sum a thoh ding zah uh kubituk in a khon uhia?

\_\_\_\_\_

**16.** Thukhun Thak ah sawm-a-khat a phuut hia? Koi Laisiangthou tang ah?

\_\_\_\_\_

**17.** Thukhun Thak a thilpiak piak ding dan II Kor. 9:7 a kigen point 4 gelh in.

i) \_\_\_\_\_

ii) \_\_\_\_\_

iii) \_\_\_\_\_

iv) \_\_\_\_\_

**18.** Saptuam dik nasep lianpipi a khen chi thumte gelh in.

i) \_\_\_\_\_

ii) \_\_\_\_\_

iii) \_\_\_\_\_

**19.** Huaihamna tuh bang ahia? (Kol. 3:5)

\_\_\_\_\_  
\_\_\_\_\_